

SOALAN LAZIM

**PEMAKLUMAN AWAL PELAKSANAAN PERALIHAN KEPADA SISTEM ePERMIT
BAHARU [KOD OGA 'MIT' KEPADA KOD OGA 'PDN'] BAGI PERMOHONAN
PERMIT IMPORT DAN EKSPORT GULA
SERTA PERMIT EKSPORT SIMEN DAN KLINKER**

- 1) **SOALAN:** Apakah komoditi yang terlibat dalam proses peralihan ini?
Peralihan ini melibatkan permohonan kelulusan permit bagi:

JAWAPAN:

Gula: Permit import dan eksport (Kod HS 1701 dan 1702)

Simen dan Klinker: Permit eksport sahaja (Kod HS 2523.10.10 00 hingga 2523.29.90 00)

- 2) **SOALAN:** Mengapakah peralihan kod OGA ini dilaksanakan?

JAWAPAN:

Peralihan ini dibuat selaras dengan pemindahan portfolio kawal selia komoditi gula dan simen daripada Kementerian Pelaburan, Perdagangan dan Industri (MITI) kepada Kementerian Perdagangan Dalam Negeri dan Kos Sara Hidup (KPDN). Ini membolehkan KPDN menguruskan dan menyesuaikan sistem sendiri.

- 3) **SOALAN:** Bilakah Sistem ePermit baharu (Kod OGA 'PDN') akan mula beroperasi?

JAWAPAN:

Sistem ePermit di bawah kod baharu "PDN" dijadualkan mula beroperasi sepenuhnya (*live*) pada 7 Julai 2026 (Selasa), jam 9.30 pagi.

- 4) **SOALAN:** Bilakah tarikh akhir untuk saya menggunakan sistem lama (Kod OGA 'MIT')?

JAWAPAN:

Sistem bagi kod OGA "MIT" akan ditutup sepenuhnya pada 3 Julai 2026 (Jumaat) jam 11.59 malam. Semua permohonan menggunakan kod ini mesti

dihantar sebelum waktu tersebut. Permohonan baharu hanya boleh dikemukakan bermula jam 9.30 pagi pada 7 Julai 2026 melalui Sistem ePermit yang baharu (Kod OGA 'PDN').

- 5) **SOALAN: Apakah yang akan terjadi kepada permohonan yang telah dihantar sebelum penutupan sistem lama pada 3 Julai 2026?**

JAWAPAN:

Permohonan yang telah dihantar sebelum jam 11.59 malam pada 3 Julai 2026 akan diproses seperti biasa melalui Sistem ePermit lama.

- 6) **SOALAN: Bagaimana jika permohonan saya yang diproses di bawah sistem lama ditolak (*reject*) selepas tarikh 3 Julai 2026?**

JAWAPAN :

Sekiranya permohonan anda ditolak selepas tarikh penutupan, anda perlu mengemukakan permohonan yang baharu menggunakan Sistem ePermit yang baharu (Kod OGA 'PDN') bermula 7 Julai 2026, jam 9.30 pagi.

- 7) **SOALAN: Saya ada permohonan yang belum dihantar dan masih berstatus 'Draf' dalam sistem lama. Bolehkah ia dibawa masuk ke sistem baharu?**

JAWAPAN:

Tidak. Mana-mana permohonan yang masih berstatus 'Draf' di dalam sistem lama perlu diisi dan dihantar semula sebagai permohonan baharu di dalam sistem OGA 'PDN'

- 8) **SOALAN: Saya adalah pendaftar pengguna baharu tetapi masih belum diluluskan, apakah yang perlu saya lakukan?**

JAWAPAN:

Pengguna baharu boleh membuat pendaftaran melalui portal dagangnet (<https://registration.dagangnet.com.my>) pada bila-bila masa.

Nota: Pengguna tidak perlu membuat pendaftaran melalui portal pendaftaran MITI.

- 9) **SOALAN:** Bilakah syarikat boleh mula membuat pendaftaran atau melanggan (*subscribe*) kod OGA 'PDN' yang baharu?

JAWAPAN:

Pengguna boleh mula melanggan kod OGA "PDN" bermula pada 26 Jun 2026 (Jumaat). Walau bagaimanapun, anda belum boleh menghantar sebarang permohonan sehinggalah tarikh sistem beroperasi pada 7 Julai 2026 jam 9.30 pagi.

- 10) **SOALAN:** Adakah sebarang latihan akan diberikan kepada pengguna bagi mengendalikan sistem baharu ini?

JAWAPAN:

Ya. Sesi Kesedaran Sistem kepada Pengguna akan diadakan pada 25 Jun 2026 (Khamis). Jemputan akan dihantar melalui e-mel berdasarkan maklumat perhubungan yang direkodkan di dalam portal pendaftaran dagangnet (<https://registration.dagangnet.com.my>). Sila pastikan maklumat perhubungan dikemaskini sebelum 17 Jun 2026.

- 11) **SOALAN:** Apakah tindakan persediaan awal yang perlu diambil oleh pihak syarikat/pengguna?

JAWAPAN:

Pengguna diminta untuk mengemas kini maklumat perhubungan (terutamanya alamat e-mel) di dalam portal pendaftaran dagangnet (<https://registration.dagangnet.com.my>) sedia ada sebelum 17 Jun 2026. Ini penting bagi memastikan jemputan latihan dan maklumat terkini dapat dihantar.

- 12) **SOALAN:** Jika saya telah melanggan (*subscribe*) kod OGA 'PDN' pada 26 Jun 2026, bolehkah saya terus menghantar permohonan menggunakan kod baharu tersebut pada hari yang sama?

JAWAPAN:

Tidak boleh. Walaupun fungsi langganan telah dibuka bermula 26 Jun 2026, tiada sebarang permohonan boleh dikemukakan di bawah kod "PDN" sehinggalah tarikh *live* pada 7 Julai 2026. Semua permohonan sebelum 3 Julai 2026, jam 11.59 malam masih menggunakan kod OGA "MIT".

13) SOALAN: Adakah tarikh pelancaran sistem pada 7 Julai 2026 ini muktamad?

JAWAPAN:

Pihak KPDN akan memaklumkan sebarang maklumat lanjut mengenai tarikh pelaksanaan *live* ini dari semasa ke semasa sekiranya terdapat sebarang perubahan.